

聖賢之學

惠民縣志序

志者識也識其地識其人以識其事所以徵文獻垂法則昭既往而示將來也周官小史掌天下之地圖達諸王國閭胥掌賢能之書而獻之於王即今志乘

序

一

之意邑之有志猶國之有史不可一日廢也惠邑設於

國朝雍正十二年未嘗有志州志則輯自明萬歷間其闕有間者幾二百年矣倭君喬菴慨邑志放失毅然引為己任近遠畢搜

述作兼備自辛丑夏迄壬寅秋
始卒業書成請序於余取而閱
之舉凡戶口之增減人物之出
處職官選舉之替續賦役地里
之沿革莫不委曲周悉考之博
而擇之審若屬網在綱若振衣

序

二

挈領洵足以綜古今之同異溯
升降之源流而紀太平之

盛

治矣雖然余之心契倭君固自
有在夫以一人之身寄百里之位
日沾於簿書錢穀刑名朱勅
墨批催科擊斷官骸之用已不

所始遑顧其他哉倭君前治嘉
祥政通人和上官以為能調繁
剗邑蒞惠以來廢無不興墜無
不舉為保障不為繭絲郡學久
失脩葺余有志而未克副者垂
十年倭君一旦倡而行之以成

序

三

余志余以是賢之今復纂輯邑
志以揚

聖世

治隆化洽之庥以資後人間俗
觀風之助苟非知為政之先務
者其能若是乎他日政成報最
為


誥授

國家循吏功名烜赫正未有艾此
特其小試未足以竟倭君之事
業也余盖有厚望焉故樂道其
事而詳序之以弁諸簡端 昔
乾隆壬寅暢月上浣
朝議大夫山東武定府知府加

序

四

三級宛平徐觀孫撰



惠民縣志序



皇上御極之四十四年己亥歲余以

量移來宰惠民至則詢風俗察

民隱周歷四郊廼知地雖僻左

而北拱

神京南趨歷下固燕齊之門戶也

序

一

因索取邑乘覽之吏以州志進

余心異焉及披閱一過蓋志為

前明萬歷間邢太僕侗所輯邑

始名樂安郡自宣德年平漢庶

人後改名武定州至

國朝雍正十二年陞州為府始設

有附郭邑曰惠民而邑志闕如
二百年來未有從而輯之者余
慨然曰志者外史也風土人情
於是乎寄不有記載後將何稽
方謀所以纂脩適明年春
翠華東幸余且隨

序

二

六飛効奔走事遂輟迨辛丑夏意
不可復事因循爰銳志舉行於
是案牘之暇廣諮博採復藉諸
君子網羅散佚總之文歸諸史
謀歸諸衆斷歸諸獨以期無負
邦國外史之遺意雖然其難有

三惠邑在前代遷徙不一諸史
載所隸州郡互有同異其疆域
界址未確一也邑無崇山峻嶺
而九河跡如鉤盤鬲津俱在境
內故道多所迷失其川渠支流
無考二也靈區勝境槩不多見

序

三

又未可以附會之談炫人耳目
其古蹟荒陋少文三也夫余之
有志於斯志固以無負邦國外
史遺意為己任而舍此三者不
且貽譏挂漏耶然而邢公舊著
年代既遠且失之約萬歷戊子

國

以後已不可考矧我
家休養百餘載法制日備人文
日新顧使邑乘久虛任其簡略
禁闢是誰之責歟無已則集府
志通志以及他邑之可考証者
悉為採擇其有須論斷者一以

序

四

正史為據傳紀人物務徵其實
文從字順不求詭異閱歲而書
成以付剞劂蓋余之脩惠志也
闕者補之叢者汰之訛者正之
誕者削之亦惟假諸君子助俾
一邑文獻不致湮沒廢墜以副

聖天子德意已耳敢謂是書之可以
信今而傳後哉是為序

乾隆四十七年歲次壬寅孟冬
穀旦知惠民縣長白倭什布

謹撰



序

五


惠民縣總圖

惠民縣總圖

東至濱州界四十里

圖

一



北至信陽界十里方字號

號字八

台鎮利未

號字紀

號字綱

台鎮臨棗州

台鎮麻店

號字度

台鎮胡家集

台鎮歸仁
號字直


台鎮李家
號字便

台鎮清河


台鎮小新城

南至齊東


文廟圖




四




惠民縣河圖



五





星野圖

星野圖

